

佛說出家功德因緣經

莊

後漢安世國三歲安世高譯

出家因緣其福甚多若放男女若放  
 奴婢若聽人民若自己身出家入道  
 者功德無量布施之報十世受福六  
 天人中往返十度猶故不如放人出  
 家及自出家功德為勝何以故布施  
 之福報有限極出家之福無量無邊  
 又持戒果報五通神仙受天福報極  
 至梵世於佛法中出家果報不可思  
 議乃至涅槃福故不盡假使有人起  
 七寶塔高至三十三天所得功德不  
 如出家何以故七寶塔者貪愚愚人  
 能壞破故出家之法無有毀壞欲求  
 善法除佛法已更無勝故如盲人  
 有一明醫能治其目一時明見又有  
 百人罪應挑眼一人有力能救其罪  
 今不失目此二人福雖復無量猶亦  
 不如聽人出家及自出家其福弘大  
 何以故雖能施於二種人目此人唯  
 各獲一世利又冥眼性性有敗壞聽  
 人出家若自出家展轉亦導眾生永

佛說出家功德因緣經 卷之三 莊

劫無上慧眼慧眼之性歷劫無壞以  
 故福報人天之中恣意受樂無窮无  
 盡畢成佛道所以者何由出家法滅  
 魔眷屬增益佛種摧滅惡法長養善  
 法滅除罪垢與無上福業是故佛說  
 出家功德高於須弥深於大海廣於  
 虛空若使有人為出家者作諸留難  
 令不從志其罪甚重如夜黑闇無所  
 親見是人罪報亦復如是入深地獄  
 黑闇無目譬如大海江河百流忘投  
 其中此人罪報亦復如是一切諸惡  
 皆集其身如須弥山劫火所燒無有  
 遺餘此人亦亦地獄火燒無有窮已  
 譬如迦留樓醯屋藥極為毒苦若等  
 芥兩比於石蜜彼善惡報亦復如是  
 聽人出家若自出家功德最大以出  
 家人以修多羅為水洗除結使之垢  
 能滅除生死之苦為涅槃之因以毗  
 尼為之足踐清戒之地何毗曇為目  
 視之善惡恣意遊步八正之路至涅  
 槃之妙城以是義故放人出家若自  
 出家若老若少其福最勝阿難菩薩  
 有四法轉身當作善來比丘終不受

佛說出家功德因緣經 卷之三 莊

胎蓮華化生即於現身續增壽命何  
 謂為四自樂出家亦勸他人令行出  
 家亦為佐助出家因緣既出家已為  
 說法三不教利喜是名初法復次阿  
 難菩薩自能勸行精進求諸佛法亦  
 化他人精進求法是第二法復次阿  
 難菩薩自行柔和忍辱亦化他人令  
 住忍中是第三法復次阿難菩薩自  
 能習行方便深發大願亦化他人令行  
 方便及發大願是第四法阿難菩薩  
 成就是四法者轉身當作善來比丘  
 終不受胎蓮華化生

毀形守志節割愛無所親出家弘聖道  
 願度一切人五德超世務名曰取福曰  
 供養獲永安其福第一尊家人有父樂  
 有母斯亦樂天下有道樂國有沙門樂  
 佛說出家功德因緣經

癸卯歲高麗國大藏都監奉  
 勅彫造

佛說出家功德因緣經

校勘記

一 底本，麗藏本。

一 此經與諸校本大異，無法對校，今以清藏本爲別本附後，并校以資、磧、普、南、徑。